



საინფორმაციო და საკომუნიკაციო ტექნოლოგიების განვითარება საქართველოში

თინა მელქოშვილი
ბიზნესის ადმინისტრირების
აკადემიური დოქტორი,
თსუ ასისტენტ-პროფესორი
E-mail: tina.melkoshvili@tsu.ge

საინფორმაციო და საკომუნიკაციო ტექნოლოგიების განვითარება და გამოყენება წარმოადგენს მეცნიერულ-ტექნიკური პროგრესის ბოლო ათწლეულის გლობალურ ტენდენციას, რომელმაც მნიშვნელოვანი ცვლილებები გამოიწვია ადამიანის საქმიანობის ყველა სფეროში. საინფორმაციო და საკომუნიკაციო ტექნოლოგიების ეფექტიანი გამოყენებით შესაძლებელია ეკონომიკის კონკურენტუნარიანობის გაზრდა, მსოფლიო ეკონომიკურ სივრცეში ინტეგრაცია, მართვის სრულყოფა, როგორც სახელმწიფო, ასევე ადგილობრივი ორგანოების დონეზე. სწორედ ინფორმაციული ტექნოლოგიების განვითარებას გადაჰყავს პოსტინდუსტრიული საზოგადოება თვისობრივად ახალ მდგომარეობაში - ინფორმაციულ საზოგადოებაში.

ეკონომიკისა და საზოგადოების ინფორმატიზაციის თვალსაზრისით საქართველო მნიშვნელოვნად ჩამორჩება მსოფლიოს განვითარებულ ქვეყნებს. საინფორმაციო და საკომუნიკაციო ტექნოლოგიების ეკონომიკაში დანერგვისა და ეფექტიანი გამოყენების დაბალი მაჩვენებლები განპირობებულია მთელი რიგი ფაქტორებით, როგორიცაა:

- არასრულყოფილი ნორმატიულ-სამართლებრივი ბაზა, რომელიც შემუშავებულია თანამედროვე საინფორმაციო და საკომუნიკაციო ტექნოლოგიების შესაძლებლობების გათვალისწინებლად;

- სახელმწიფო და სამთავრობო მართვაში საინფორმაციო და საკომუნიკაციო ტექნოლოგიების გამოყენების დაბალი დონე;

- ერთიანი ინფორმაციული ინფრასტრუქტურის არარსებობა;

- ვაჭრობისა და მომსახურების ბაზრის არაეფექტიანი ინფორმაციული მხარდაჭერა;

- საინფორმაციო და საკომუნიკაციო ტექნოლოგიების შექმნისა და გამოყენების სფეროში კადრების მომზადების დაბალი დონე;

- კავშირგაბმულობის არხების მონოპოლიზაციის მაღალი დონე, რაც ქმნის საინფორმაციო და საკომუნიკაციო ტექნოლოგიების გამოყენების სხვადასხვა ბარიერს, განსაკუთრებით სატარიფო პოლიტიკაში.

საზოგადოდ, ინფორმაციულ საზოგადოებაში ცხოვრების დონე, ასევე სოციალური ცვ-

ლილები და ეკონომიკის განვითარება მნიშვნელოვნადაა დამოკიდებული ინფორმაციისა და მის გამოყენებაზე. ასეთ საზოგადოებაში ცხოვრების წესს, შრომისა და დასვენების ფორმებს, განათლების სისტემას და ბაზარს ძირითადად განსაზღვრავს ინფორმაცია და ცოდნის სფეროში არსებული მდგომარეობა. რაც შეეხება ინფორმაციული საზოგადოების ეკონომიკას, იგი წარმოადგენს საქონლის და მომსახურების მწარმოებელი დარგების ფართო სპექტრს, სადაც გამოიყენება ინფორმაციული ტექნოლოგიები, ინფორმატიზაციისა და კომპიუტერიზაციის თანამედროვე მიღწევები.¹

საინფორმაციო და საკომუნიკაციო ტექნოლოგიები შეიძლება განვიხილოთ, როგორც საინფორმაციო კომპლექსის ერთ-ერთი შემადგენელი ნაწილი. ეს უკანასკნელი წარმოადგენს ბიზნესის ისეთ სფეროს, რომელიც ინტერნეტისა და კავშირის სხვა სისტემების გამოყენებით უზრუნველყოფს სოციალურად საჭირო ინფორმაციის შექმნას, მოპოვებას, გადაცემას, დამუშავებას და შენახვას. საინფორმაციო კომპლექსში შედის ასევე კომერციული ინფორმაციის მწარმოებელი და მომხმარებელი ინსტიტუტები (ბანკები, საინვესტიციო, სადაზღვევო, შუამავალი, მარკეტინგული, აუდიტორული სარეკლამო ფირმები); მასობრივი და სპეციალიზებული საინფორმაციო საშუალებები (რადიო, ტელევიზია, პრესა, ბიბლიოთეკები, მონაცემთა ბანკები, გამომცემლობები); კავშირგაბმულობა (სტაციონალური და მობილური ტელეფონები, თანამგზავრული და ქსელური კავშირის არხები და ა.შ.). ყოველივე აღნიშნულიდან გამომდინარე შეიძლება დავასკვნათ, რომ ქვეყნის ინფორმაციული ეკონომიკის ყველაზე აუცილებელი მახასიათებელი არის საკუთარი ინსტიტუციონალური საკომუნიკაციო ბაზა, რომლის გამოყენებითაც ინფორმაციული ტექნოლოგიები დაინერგება ნაციონალური ეკონომიკის ყველა სფეროში.



როსა და სექტორში.

XX საუკუნის ბოლოს სახელმწიფოთა უმრავლესობა აღმოჩნდა ერთი პრობლემის წინაშე - სახელმწიფოებრივი მართვის ორგანოების სტრუქტურა და მოდელი აშკარად არ შეესაბამებოდა საზოგადოების ინფორმაციზაციის მოთხოვნებს. ინფორმაციულ საზოგადოებაში გადასვლამ გამოიწვია სახელმწიფო სამსახურების რეორგანიზაციისა და მთელი რიგი სხვა პრობლემების გადაწყვეტის აუცილებლობა. გარდამავალი ეკონომიკის ქვეყნების უმეტესობაში დაიწყო ადმინისტრაციული და სახელმწიფო სამსახურების რეფორმები, რათა ამდლდეს სახელმწიფო აპარატის ეფექტიანობა საინფორმაციო და საკომუნიკაციო ტექნოლოგიების გამოყენების ბაზაზე. კერძოდ, უნდა გაიზარდოს სახელმწიფო აპარატის მიერ მოსახლეობისთვის გაწეული მომსახურების ხარისხი; მთავრობის და სამოქალაქო საზოგადოების მრავალმხრივი კავშირის დამყარება საზოგადოებრივ მართვაში მათი ჩართვის მიზნით; სახელმწიფო საქმიანობის მაქსიმალური გამჭვირვალობა, ანუ საზოგადოების დემოკრატიზაციის დონის რეალური ამდლდება.

დღეისათვის საქართველოს სახელმწიფო სექტორში საკმაოდ ფართოდ გამოიყენება საინფორმაციო სისტემები. საინფორმაციო და საკომუნიკაციო ტექნოლოგიები დანერგილია საზოგადოებრივი ცხოვრებისა და საქმიანობის თითქმის ყველა სფეროში, ხდება საინფორმაციო და საკომუნიკაციო ტექნოლოგიების გამოყენების სამართლებრივი რეგულირება. საქართველოს ინფორმაციული ინფრასტრუქტურის გამოყენების დონე, საზოგადოებრივ წარმოებაში და სახელმწიფო მართვაში საინფორმაციო და საკომუნიკაციო ტექნოლოგიების გამოყენების ხარისხი არ შეესაბამება იმ ამოცანებს, რომლებიც დგას ქვეყნის წინაშე ეკონომიკის განვითარების, მოსახლეობის კეთილდღეობისა და ცხოვრების ხარისხის, თავდაცვისუნარიანობისა და უსაფრთხოების უზრუნველყოფის მხრივ. ამასთან, მოსახლეობის გარკვეულ ფენას ნაკლებად მიუწვდება ხელი საჭირო ინფორმაციასა და საინფორმაციო და საკომუნიკაციო ტექნოლოგიებზე, რაც საზოგადოების სოციალურ-ეკონომიკური განვითარების ერთ-ერთი შემავრცელებელი ფაქტორია. გარდა ამისა, საქართველოში ნაკლებად ხდება ტელეკომუნიკაციური მოწყობილობების, გამოთვლითი ტექნიკის და პროგრამული უზრუნველყოფის წარმოება (თუ არ ჩავთვლით ადგილობრივი ბაზრისთვის განკუთვნილ ისეთ პროგრამებს, როგორიცაა ორისი, სუპერფინი, აპექსი და სხვ.).

რის გამოც ქვეყანა მთლიანად არის დამოკიდებული ამ პროდუქციის იმპორტზე. ეს კი ხელს უშლის საინფორმაციო და საკომუნიკაციო ტექნოლოგიების დანერგვას იმ ტემპებით და მოცულობით, რაც აუცილებელია ქვეყნის მსოფლიო ინფორმაციულ სივრცეში ინტეგრაციისათვის.

განსაკუთრებული ყურადღება მისაქცევია ქვეყნის ინფორმაციულ უსაფრთხოებაზე, რადგან არსებული დაცვის სიტემებს ნაკლებად შეუძლია თანამედროვე საფრთხეებისგან დაცვა. ეს ნათლად გამოჩნდა 2008 წლის აგვისტოს მოვლენების დროს და შემდგომ პერიოდში, როდესაც აქტიურად ხდებოდა ქართულ ინტერნეტ-გვერდებზე საკმაოდ ხშირი და ძლიერი შეტევების განხორციელება.

უკანასკნელ პერიოდში, საქართველოს მთავრობის მიერ გაწეული დიდი მოცულობის სამუშაოების შედეგად, სამინისტროებსა და მომსახურების სფეროებში ფართოდ დაინერგა თანამედროვე ინფორმაციული ტექნოლოგიები, რაც მნიშვნელოვანი ნაბიჯია ქვეყნის ელექტრონული მთავრობის შესაქმნელად. ელექტრონული მთავრობა წარმოადგენს სახელმწიფოს მართვის სისტემას, დაფუძნებულს თანამედროვე ინფორმაციული ტექნოლოგიების გამოყენებაზე, ლოკალური და გლობალური ქსელების საშუალებით სახელმწიფო და არასახელმწიფო სტრუქტურებსა და მოქალაქეთა შორის ინფორმაციის ციფრულ-ელექტრონულ გაცვლაზე.³

აღსანიშნავია საპატრულო პოლიციის, საჯარო და სამოქალაქო რეესტრის ეროვნული სააგენტოების მომსახურების მაღალტექნოლოგიური სისტემები, საბაჟო გაფორმების ეკონომიკური ზონა, ფინანსთა სამინისტროს საგადასახადო ანგარიშსწორების, სახელმწიფო შესყიდვების ელექტრონული სისტემები და სხვა. მაგრამ აუცილებელია უწყებებს შორის უფრო კოორდინირებული მუშაობა, ბიზნესისა და სამოქალაქო მოსახლეობის უფრო მასობრივი ჩართვა მომსახურების სფეროში. რა თქმა უნდა ქვეყანაში არსებობს საინფორმაციო სისტემების აგების როგორც ტექნოლოგიური, ასევე ორგანიზაციული გამოცდილება, მაგრამ მათი უმრავლესობა დაპროექტებულია სახელმწიფოებრივი საქმიანობის ერთიანი ფუნქციონალური მოდელის გარეშე.

ინფორმაციული საზოგადოების პირობებში ნაციონალური ეკონომიკის სახელმწიფოებრივი რეგულირების სრულყოფისათვის აუცილებელია ტრადიციული მთავრობის ტრანსფორმაცია ელექტრონულ მთავრობად. ელექტრონული მთავრობის ფორმირების შედეგად :



➤ მნიშვნელოვნად შემცირდება სახელმწიფო მართვის ორგანოების დროითი და შრომითი დანახარჯები საუწყებო დონეზე ინფორმაციის გაცემის პროცესში, რადგან შესაძლებელი იქნება სახელმწიფო საინფორმაციო რესურსებით სარგებლობა. მოხდება სახელმწიფო საინფორმაციო სისტემების ინტეგრაცია და უწყებათშორისი ელექტრონული დოკუმენტბრუნვის განვითარება;

➤ მნიშვნელოვნად შემცირდება მოქალაქეების ვიზიტები სახელმწიფო მართვის ორგანოებში მომსახურების მისაღებად და საინფორმაციო და საკომუნიკაციო ტექნოლოგიების ეფექტიანი გამოყენება შესაძლებელს გახდის ე.წ. „ერთი ფანჯრის“ პრინციპზე გადასვლას, რაც შეამცირებს მომსახურების დროს;

➤ სახელმწიფო მართვის ორგანოების მიერ ინფორმაციული გამჭვირვალობის უზრუნველყოფა გააძლიერებს მთავრობის მიმართ ნდობის ფაქტორს. ახალი და მოდერნიზებული ინტერნეტ-საიტების შექმნით შესაძლებელი იქნება ისეთი საინფორმაციო სისტემის შექმნა, როგორიცაა „სამთავრობო პორტალი“, რაც უზრუნველყოფს მოქალაქეების სწრაფ და ეფექტიან მომსახურებას;

➤ მოხდება ნაციონალური ინფოკომუნიკაციური ინფრასტრუქტურის განვითარება და ქვეყნის ერთიანი ინფორმაციული სისტემის ჩამოყალიბება, რაც უფრო გამჭვირვალესა და ანგარიშვალდებულს გახდის სახელმწიფო ორგანოების საქმიანობას, აამაღლებს მოქალაქეთა წინაშე მათ პასუხისმგებლობას.

გამოყენებული ლიტერატურა

1. Dolfmsa W. and Soete L. – Understanding the Dynamics of a Knowledge Economy. Edward Elgar Publishing, Inc. 136 West Street, Suite 202, Northampton, Massachusetts 01060, USA-2008

2. Попов А.О. Совершенствование государст-

венного управления экономикой на основе внедрения информационных технологий, М., 2007

3. მ. მაღრაძე, ინფორმაციული საზოგადოების ტექნიკურ-ეკონომიკური მახასიათებლები. ეკონომიკა და ბიზნესი. N3. თბ. 2008